

Elections Canada - Voter Information Guide

tánéhki ka-nawasonikéyan

éyako óma ka-miyo-payik pikwé-awiyak ta-kí-nawasonikét ékwa kinawasonánawak kwayask ta-níkánistamákwéyahkok óki kitotéminiwak wí- kwayask-té-astcik oyasiwéwina ta-wícayátoyáhk óta kitaskínahk

kíkwáya óhi kéhcíná nawasonikéwina

ká-nawasonikéhk, kinawasonánaw awiyak é-nitawéyihmáyhk ká-pimipahtát ita ká-ayáyhk. éwako nawac ká-káhcitinahk nawasonéwina wiya ka-pihtokwéw.

éwako awa ékosi nitawi-níkán-apiw óté oyasiwéwikamikohk (Parliament).

itwéwina piko ka-kiskéyihtamán

onawasonikéw awa ita Canada ká-ohcít ékwa ayinánéwosáp wí-itahto-piponéw ati-isipayiki óma onawasonikéwi-kísikáki.

opimipahtáwak óki ayisiyiniwak ka-nitawéyihtahkik ta-nawasonihcik

onawasonikéwasinahikan ihtakonwa ayisiyiniwak owíhowiniwáwa ka-kaskihtácik ta-nawasonikécik

nipé-itisahamákawin anima kahkiyaw ká-masinahikáték niya ohci ka-nawasonikéyán. tápwémakan niwíhowin é-asték onawasonikéwasinahikan ita ékwa niwíhtamákawin tánispíhk ékwa táníte ita ka-nitawi-nawasonikéyán.

nawasonikéwikamik ita anima ka-nitawi-nawasonikéyan

nistam-onawasonikéwi-átoskéhákan awa péyak ka-miyik isa anima masinahikanékinis ka-nawasonikákéyan. Kiká-kí-wícihik mína awa ékáy kaskihtáyani ta-cahkapéhikéyan.

kotak-onawasonikéwi-átoskéhákan awa kásípéham kiwíhowin

nawasonikéwasinahikanis masinahikásowak aniki ká-pimipahtácik ita ká-isi-wíkiyán

ka-nawasonikéhk óta kitaskínaw, namóya awiyak pítos ki-ka-wápahtam masinahamani isi kíkwáy.

kíkwáy anima ká-kaskatawák ékoté óma náway ka-nitawi-cahkipéhaman anima masinahikanékinis. kísi-cahkipéhamani, káwi ka-nitawi-wáyinohtamoháw ana

onawasonikéwi-átoskéhákan, ékota ana ka-píkopitam anima apisís ékáy ta-pimi-yóhtépitahk kimasinahikanékinis ékosi mwác awiyak kiká-kí-wápahtam tánisi é-nawasonikéyan.

pimipahtáwi-nawasonikéwin – ninawasonikán

ká-wí-nawasonikéhk, nika-pé-itishamákawin piko-kíkwáy niya ohci ka-nawasonikéyan, tápwémakan niwíhowin é-asték ita kahkiyaw kotaka wíhowina ká-astéki ka-nawasonikéyahk.

kihcéyihtákwan óma masinahikanékin.

niwíhtamákawin tánisi, tánispíhk ékwa tánité ita ka-nitawi-nawasonikéyan.

ékáy kíspin ta-kahtinamán anima masinahikanékin, niká-kí-píkiskwátawak Elections Canada ta-kiskéyihtamihk tánisi ta-kí-isi-masinahahkik niwíhowin ékosi niká-kí-nawasonikán nísta ékáy masinahikásoyáni.

niká-kí-nitawi-kwéyáci-kiskéyihtén aníhi owíhowiniwáwa óki ká-wí-pimipahtácik ita www.elections.ca ká-masinahikáték mácipayiki óma nawasonikéwin. asici mína niká-kí-kiskéyihtén óhi owíhowiniwáwa kíspin natohtamáni kitohcikan, kitápahtamáni cikástépayihcikan (t.v.), ta-ayamihtáyán ácimowasinahikana ékwa ka-káh-kitotakik niwícéwákanak mína niwáhkómákanak. nika-nawasonáw awiyak nitawéyimahki táníkánastamawit.

tánisi isi óma ta-nawasonikéyan

ékota nistwáyahk isi ni-ká-kí-nawasonikán

nistam anima niká-kí-nitawi-nawasonikán pámwáyés ati-isipayiki óma nistam-nawasonikéwinihk ita

nistam-nawasonikéwinihk óhi ohci óki ékáy ká-kí-kaskihtácik ka-nitawi-nawasonikécik onawasonikéwi-kísikáki.

kahkiyaw ká-masinahikásocik ta-nawasonikécik wístawáw kaskihtáwak ka-nitawi-nawasonikécik nistam-nawasonikéwinihk isi.

niká-kí-miskén ita isi ékwa tánispíhk isi nohté-nitawi-nawasonikéyáni nistam-nawasonikéwinihk isi, ka-masinahikátew ita anima ká-kí-pé-itishamákawiyán ahpó mína niká-kí-píkiskwátawak mína Elections Canada, masinahikátew ita ká-kí-isi-píkiskwán anima ká-kí-pé-itishamákawiyán.

niká-kí-sipwétisahén mína ninawasonikéwasinahikanis

niká-kí-sipwétisahén ninawasonikéwin ahpó mína ita ká-atoskét onawasonikéwi-átoskéhákan ka-ohci-atoskét cíki ita ká-wíkiyan.

niká-kí-píkiskwátawak mína Elections Canada kíspin ayiwák kíkwáy ni-nohté-kiskéyihtamáni.

niká-kí-nitawi-mosci-nawasonikán mína onawasonikéwi-kísikáki onawasonikéwi-kísikáki, ninitawi-itohtán onawasonikéwikamik ka-nitawi-nawasonikéyán. masinahikátēwa anihí tânispihk isi, tipahikana ká-yôhtênikâték, ékwa tânité ita ka-nitawi-nawasonikéyan.

takohtéyáni ita óma onawasonikéwikamikohk, nikán ni-ka-miskén anihí ákihtásona pýakwan ká-masinahikátéki ita anima ká-kí-pé-itisahamákowiyán.

níso óki onawasonikéwi-átoskéhákanak ka-apliwak mícisowináhtikohk: nistam onawasonikéwi-átoskéhákan ékwa kotak onawasonikéwi-átoskéhákan.

ninitawi-miyáw niwíhowin ékwa ita ká-wíkiyan ana nistam onawasonikéwi-átoskéhákan. Kéhciná ásay masinahikásowak kahkiyaw.

ékay kíspin ta-masinahikásoyán anima ita kahkiyaw ká-masinahikásocik, kéyápic niká-kí-nitawi-masinahawison onawasonikéwi-kísikáki. niká-kí-nitawi-masinahawison nitawi-wápamahki ana nistam-onawasonikéwi-ástokéhákan onawasonikéwikamikohk isi, ka-nitawi-wápahtihiwán anihí nanátohk ká-pimi-wíhikawiyán ékwa ita ká-wíkiyan, awiká cí mína niká-kí-itohtaháw awiyak pýakwan ita niya ká-wíkiyan ékwa ásay é-masinahikásot ta-nitawi-píkiskwéstamawit.

ana kotak onawasonikéwi-átoskéhákan ka-kásipéham niwíhowin anima ita ohci kahkiyaw ká-masinahikásocik ta-wápahtihiwéti é-kí-pé-nawasonikéyán.

ana nistam onawasonikéwi-átoskéhákan ka-miyik é-napwékinikáték nawasonikéwasinahikanis ita óma ka-cahkipéhamán isa.

éwako ayisiyiniw asici ká-kí-wícihik ayamakahki kíspin ta-cahkipéhaman asici niká-kí-pésiwáw niwicewákan ahpó mína niwáhkómákan onawasonikéwikamikohk ta-pé-isi-wícihit.

náway nititohtán ita anima ká-kaskatawák. namoya awiyak niká-wápamik awína ká-wí-nawasonakik.

nika-cahkípéhén “X” ita anima ká-masinahikásot awiyak ká-nohté-nawasonak

ninapwékinén ninawasonikéwasinakanis ékosi mwác awiyak ta-kí-wápahtahk.

nitótinén óma ninawasonikéwasinahikanis ékwa káwi niwáyanohtamoháw awa nistam-onawasonikéwi-ástokéhákan ékwa wiya ka-pískipitam isi óma.

káwi nimiyik ninawasonikéwasinahikanis awa nistam-onawasonikéwi-átoskéhákan

nipihicé-wáhikén óma ninawasonikéwasinahikanis onawasonikéwi-maskimotihk.

ayiwák nohté-kiskéyihtaki: www.elections.ca masinahiképicikikan. ahpó mína kiká-kí-píkiskwátawak 1 8000 463-6868 (nama-kíkwáy é-itakihték)